Informes e Herdanza nas vistas

Plantilla (Template) Exemplo 1

Definición dunha Plantilla (Template). Exemplo 1

A definición das plantillas estará no arquivo "report_informacion.xml".

Neste apartado imos ver como:

- Definir unha plantilla
- Chamar a outras plantillas para incorporar o seu código
- Utilizar as clases de bootstrap (https://getbootstrap.com/docs/4.4/getting-started/ /introduction/) para definir o aspecto do informe.
- Utilizar QWeb para xestionar os datos dentro do informe. (uso de variables,bucles,condicionais)
- Ver o informe elaborado

Para definir unha plantilla utilizamos unha etiqueta **template** asignamoslle un id externo.

```
<template id="report_informacion_template">
...
</template>
```

Para chamar a outras plantillas utilizaremos a etiqueta **t** coapción **t-call**

Mediante esta chamada incorporamos no noso informe o código definido e web.html container e web.external layout.

A chamada a web.external_layout é para que nos incorpore a cabeceira e o pé do informe. https://www.odoo.com/documentation/13.0/reference/reports.html#minimal-viable-template

Para localizar este código vemos que está definido no modulo **web** e os seus ids. so **html_container** e **external_layout**.

Entón imos a ruta onde está o código dos módulos de Odoo (/usr/lib/python3/dist-package /odoo/addons).

Entramos no cartafol do módulo "web" e imos ao cartafol "views" onde está o arquiv "report_templates.xml".

"report_templates.xml" por tanto é o arquivo onde podemos ver o código que imos usa mediante as chamadas previamente definidas.

Como vemos dende a plantilla **html_container** chamase a sua vez a "report_layout" qu tamén está definido no mesmo arquivo.

```
report_templates.xml [Sólo lectura]
/usr/lib/python3/dist-packages/odoo/addons/web/views

</template>

<template id="html container">

<t t-set="body_classname" t-value="'container'"/>

<t t-call="web.report_layout">

<t t-raw="0"/>

</template>
```

No caso de **external_layout** tamén vemos como entre outras accións chama **external_layout_standard**

Como podedes ver neste arquivo é onde figura entre outras a información da cabeceira qu utilizaremos no noso informe.

No apartado (Modificar vistas mediante herdanza) volveremos sobre este arquivo para ve como modificar esta información.

Vemos no seguinte código como definimos a táboa para maqueta o noso informe.

</thead>

Terá:

- Unha thead. Onde figurarán os literaís dos campos que imos visualizar.
- Un **tbody**. Onde estarán os datos que mostraremos no informe.

Vemos que as clases usadas para o aspecto do informe son de **bootstrap**.

Podedes ver outro enlace sobre o uso de bootstrap https://www.w3schools.com/bootstrap /default.asp

Dentro da etiqueta **tbody** imos usar QWeb para xestionar o noscinforme:

Mediante **t-set** inicializamos a variable suma_peso co valor 0 usando **t-value** para asignación

```
<t t-set="suma_peso" t-value="0" />
```

Mediante **t-foreach** definimos un bucle, para movernos polos distintos rexistros do nos modelo.(Odoo nos facilita para elo a variable **docs**) https://www.odoo.com/documentatio/13.0/reference/reports.html#report-template

Na variable o iremos obtendo os rexistros do noso modelo en cada iteración do bucle.

```
<t t-foreach="docs" t-as="o">
```

Como vemos mediante **t-field** podemos acceder aos distintos campos do noso rexistro **o** po exemplo **o.name**

No seguinte código mostramos o valor de **o.peso** mediante **t-field** e a continuación mediante etiqueta **t** coa opción **t-if** podemos facer unha condicional.

Por exemplo se o valor do campo peso e maior(>) que 3 imos acumulando os valores n variable suma_peso, como vimos antes mediante as opcións **t-set** e **t-value** da etiqueta **t**

Co que cando rematasemos todas as iteracións do bucle teríamos na variable **suma_peso** valor de todos os pesos maiores que 3.

Que se mostran no informe mediante:

```
<span>Suma de pesos maior a 3 </span>
<span t-esc="suma_peso"/>
```

Tamén no pé do documento podemos ver outro xeito de facer cálculos dentro do informe.

Mediante **t-esc** chamamos a función **sum** que acumula todos os valores do campo **peso**, qu vai recollendo na variable **x** dentro do bucle **for** sobre a variable **docs** (que como veíamo antes, é onde temos todos os rexistros do noso modelo)

```
<span>Total Pesos: </span>
<span t-esc="sum([x.peso for x in docs])"/>
```

Imos imprimir o documento.

Para elo imos modificar (tal como mostra a seguinte imaxe) os datos da compañía, par posteriormente visualizalos no informe:

← → C 🙃 © localhost:8069/web#id=1&model=res.company&view_type=form&menu_id=4 ... ☑ ☆ 🖂 es deteis edu_xi




OLLO: Para facer este exercicio, temos que ter comentado no arquivo __manifest__.py dentr de data a liña #'reports/report_header.xml' .

Reiniciamos o servizo de Odoo, actualizamos o noso módulo e probamos a imprimir.

(Recordade que para que Odoo xere o arquivo pdf, temos que ter correctamente instalado software wkhtmltopdf https://wkhtmltopdf.org/)

Unha vez que temos creado o arquivo pdf, vemos que a información da compañia desborda espazo para a cabeceira.



Rexistro 2	2,00	SI	10/10/2020 - 08/04/2020 14:59:43	Home
Rexistro 12	4,00	NON	10/10/2020 - 08/04/2020 14:59:43	Muller
Rexistro 11	4,00	NON	10/10/2020 - 08/04/2020 14:59:43	Muller
Rexistro 10	4,00	SI	10/10/2020 - 08/04/2020 14:59:43	Muller
Rexistro 1	1,00	SI	10/10/2020 - 08/04/2020 14:59:43	Home
Total Pesos:	36.0		Suma de pesos maior a 3	24.0

No seguinte apartado explicaremos como podríamos solucionalo mediante a herdanza na vistas (descomentando o arquivo report_header.xml)

A ter en conta que na versión 14 de Odoo solucionaron o problema como explicaremo posteriormente

Obra publicada con <u>Licencia Creative Commons Reconocimiento Compartir igual 4.0</u>

2/7/24, 13:11